



MARRËVESHJE BASHKËPUNIMI

Sot më datën 20.10.2025 lidhet marrëveshja e bashkëpunimit midis:

UNIVERSITETI 'ISMAIL QEMALI' VLORE përfaqësuar nga Prof. Dr. Aurela Saliqaj, Rektor, është një institucion publik, që ka statusin juridik, krijuar në pajtim me nenin 57, paragrafi 7 i Kushtetutës së Shqipërisë dhe të ligjit 80/2015 «Për arsimin e lartë dhe Kërkimin Shkencor në Institucionet e Arsimit të Lartë në Republikën e Shqipërisë»; Universiteti "Ismail Qemali" Vlorë është themeluar me Vendim të Këshillit të Ministrave Nr. 105 datë 28.02.1994. Universitetit "Ismail Qemali" Vlorë ka kompetencë për të marrë pjesë në shërbimet publike në fushën e arsimit të lartë dhe kërkimit shkencor, dhe krijimin e marrëdhënieve me institucionet e tjera akademike, kulturore dhe shkencore, qofshin Shqiptarë apo nga vende të tjera;

Dhe

Klinikes "Bakaj" përfaqësuar nga z. Sokol Bakaj, drejtuesi ligjor i institucinit privat, me qender ne Vlore.

Duke synuar zhvillimin e bashkëpunimit dhe partneritetit dypalësh në lidhje me njohjen, përmirësimin e cilësisë së profesionistëve të ardhshëm të sistemit shëndetësor dhe zhvillimin profesional, nëpërmjet trajnimeve, veprimtarive njohese, parandalimit, edukimit, promovimit, trajtimit, reabilitimit dhe kujdesit terminal, me qëllimin kryesor përmirësimin e performancës profesionale.

Bazuar në kontaktet dhe shkëmbimet e vazhdueshme ndërmjet Klinikes "Bakaj" dhe Fakultetit të Shëndetit, është vlerësuar ekspertiza e secilës palë dhe është konsideruar e domosdoshme vendosja e një bashkëpunimi të strukturuar, me qëllim ofrimin e shërbimeve dhe realizimin e aktiviteteve të përbashkëta në funksion të ndërgjegjësimin, edukimit dhe aftësimin praktik në shërbim të komunitetit.

BIEN DAKORT:

Të lidhin këtë marrëveshje si më poshtë:

NENI 1

Parimet dhe vlerat e bashkëpunimit

1. Kjo marrëveshje synon siguromin e bashkëpunimit midis dy institucioneve nënshkruese lidhur me:
 - Përmirësimin e performancës profesionale shëndetësore me anën e programeve të trajnimeve specifike për shërbimet e kujdesit shëndetësor.
 - Planifikimin e organizimin e veprimtarive të përbashkëta në lidhje me përmirësimin e njohurive shëndetësore, ngritjen e kapaciteteve dhe zhvillimin profesional.
 - Planifikimin e organizimin e veprimtarive të përbashkëta në lidhje me projekte dhe studime të përbashkëta.
2. Dy institucionet angazhohen të punojnë së bashku në përputhje me kërkesat ligjore dhe frymën e mirëkuptimit, për të realizuar interesat reciproke që synon kjo marrëveshje

NENI 2

Qëllimi i marrëveshjes

Qëllimi kryesor i kësaj marrëveshjeje është bashkëpunimi në organizimin e aktiviteteve të përbashkëta në komunitet me karakter edukues, ndërgjegjëses dhe informues, me fokus të veçantë në:

NENI 3

Fushat e bashkëpunimit

Palët angazhohen për të bashkëpunuar ngushtësisht për çështjet me interes të përbashkët, me qëllim arritjen e objektivave:

- a. Të përcaktojnë projekte bashkëpunuese në interes për të dyja palët.
- b. Organizimin e aktiviteteve të përbashkëta, sesione bisedimesh.
- c. Të ndajnë njohuritë dhe të dhënat studimore në interesin reciprok të palëve në përputhje me procedurat dhe politikat e secilës palë.
- d. Të mbajnë komunikim efektiv ndërmjet tyre për të realizuar praktika, projekte, trajnime, workshope, konferenca me interes për të dyja palët.
- e. Të mbajnë komunikim efektiv për dhënien e ekspertizës dhe konsulencës profesionale.
- f. Shkëmbimi i materialeve dhe rezultateve të punës studimore dhe shkencore.
- g. Mundësinë e krijimit të hapësirave institucionale për zhvillimin e trajnimeve në përputhje me kapacitetet ekzistuese dhe planifikimit dhe njoftimit paraprak.
- h. Ide dhe bashkëpunime të tjera mund ti shtohen këtij memorandumi në vazhdimësi, me miratimin e të dy palëve.

NENI 4

Komunikimi

Palët angazhohen të mbajnë komunikim të vazhdueshëm me qëllim përmbushjen e objektivave të kësaj marrëveshjeje.

NENI 5
Angazhimet e palëve

1. Fakulteti i Shëndetit angazhohet:

- a. Të angazhojë studentët e infermierisë dhe mamisë për zhvillimin e praktikës profesionale pranë Klinikës Bakaj, sipas një grafiku të paracaktuar dhe të dakordësuar mes palëve.
- b. Të lehtësojë zhvillimin e aktiviteteve të përbashkëta me Klinikën Bakaj duke përfshirë edhe pjesëmarrjen aktive të studentëve të Fakultetit në këto aktivitete.

2. Klinika Bakaj:

Në kuadër të kësaj marrëveshjeje, klinika “Bakaj” angazhohet:

- a. Të mundësojë dhe lehtësojë aksesin e studentëve të Fakultetit të Shëndetit për zhvillimin e praktikës profesionale në Klinikën “Bakaj”, sipas orarit dhe grafikut të përcaktuar paraprakisht.
- b. Të raportojë rregullisht pranë Fakultetit të Shëndetit lidhur me pjesëmarrjen dhe angazhimin e studentëve të infermierisë dhe mamisë në aktivitetet praktike.
- c. Të mbështesë dhe të marrë pjesë aktive në aktivitetet me karakter edukativ e ndërgjegjësues të organizuara nga Fakulteti i Shëndetit në komunitet.

3. Për implementimin e kësaj marrëveshjeje, palët nuk kanë detyrime financiare.

NENI 6
Parimet e bashkëpunimit

Të dyja palët do të udhëhiqen nga interesi më i mirë i grupeve target me të cilat punojnë dhe do të angazhohen për të lehtësuar aksesin e këtyre grupeve pranë shërbimeve përkatëse si dhe për të hartuar dhe zbatuar programe dhe nisma të përbashkëta në fushën e ndërgjegjësimit, edukimit dhe promovimit të shëndetit publik.

Çdo palë do të caktojë një person kontakti përgjegjës për koordinimin dhe zbatimin e marrëveshjes.

NENI 7
Kufizimet e marrëveshjes

- a. Të dyja palët bien dakort që realizimi i veprimtarive me interes të përbashkët të kryhet në varësi të përparësive, planifikimit paraprak, burimeve dhe potencialit të disponueshëm nga secila palë.
- b. Për çdo veprimtari tjetër, që përputhet me frymën e kësaj marrëveshjeje, palët kanë të drejtë të bien dakort, mbi mënyrën e realizimit të bashkëpunimit
- c. Kjo marrëveshje bashkëpunimi nuk shoqërohet me detyrime apo impakt financiar ndërmjet palëve.

- d. Nëse nga bashkëpunimi ndërmjet institucioneve bazuar në parimet e mesipërme, lind nevoja për financimin e projekteve të përbashkëta, të dy institucionet do ti rregullojnë këto raporte me marrëveshje të vecanta financiare të cilat do të jënë pjesë integrale e kësaj marrëveshje bashkëpunimi.
- e. Palët bien dakort që të ruajnë dhe respektojnë integritetin reciprok.

NENI 8

Ndryshimi, amendimi dhe revokimi i Marrëveshjes

- a. Ndryshimet dhe shtesat e mundëshme të kësaj marrëveshjeje do të formulohen dhe parashtrohen me shkrim dhe do të jenë pjesë e një aneksi të marrëveshjes.
- b. Afati i kësaj marrëveshjeje kuadër mund të zgjatet bazuar në një marrëveshje të përbashkët me shkrim.
- c. Kjo marrëveshje mund të zgjidhet nëse secili prej Institucioneve paraqet 6 (gjashtë) muaj përpara një kërkesë me shkrim drejtuar Institucionit partner.

NENI 9

Zgjidhja e mosmarrëveshjeve

Cdo mosmarrëveshje lidhur me interpretimin apo zbatimin e kësaj marrëveshjeje, do të zgjidhet me mirëkuptim dhe bashkëpunim mes palëve.

Për Universitetin "Ismail Qemali" Vlorë

Prof. Dr. Aurela Saliaj

REKTOR



Për Klinikën Bakaj

Sokol Bakaj

Administrator

